

KARMØY KOMMUNE
Postboks 167

4291 KOPERVIK

Deres referanse:

Dato: **28.03.2023**
Saksnr.: **2022/69508**
Dok.nr.: **6**
Saksbehandler:
Eystein Bredland
Hansen

HØYRING - FORSLAG TIL REVIDERING AV FORSKRIFT OM HAUSTING AV TARE I VESTLAND OG ROGALAND

Fylkeskommunane har ansvar for å leie arbeidsgrupper som skal arbeide fram forslag om revidering av dei regionale hausteforskriftane for tare. I Rogaland og Vestland er det ein haustesyklus på 5 år, og ny forskrift må fastsettast i god tid før 1. september 2023.

Rogaland og Vestland har etter siste revisjon ei felles forskrift, slik at fylkeskommunane har i denne revisjonen samarbeid og leia ei felles arbeidsgruppe som har arbeidd med revisjon av forskrift om hausting av tare i Rogaland og Vestland. Vi sender no dette arbeidet ut på høyring før det sendast Fiskeridirektoratet som skal utarbeide sjølve forskriftsteksten og sett i verk forskrifta.

Høyringsfrist er sett til **21. april 2023**.

Høyringsuttale merka med saksnr 2022/96508 sendast:

Rogaland fylkeskommune

Postboks 130 Sentrum

4001 STAVANGER

eller på e-post firmapost@rogfk.no

I vårt arbeid har vi vurdert eksisterande forskrift; inndeling av haustefelt, hausteplan, haustesyklus, forbodssoner/referanseområder. Fleirtalet i arbeidsgruppa føreslår at hausteregimet i hausteforskrifta vidareførast i ein ny femårsperiode.

Lovgrunnlag og mandat

Forskrift om hausting av tare i Rogaland og Vestland er ei regional forskrift som er heimla i nasjonal forskrift om hausting av tang og tare. **Eksisterande forskrift: Forskrift om høsting av tare i Rogaland og Vestland gjeld fram til 1. september 2023.**

<https://lovdata.no/dokument/LF/forskrift/2018-09-10-1310>

Forskrift om hausting av tare gjev eit forbod mot å hauste tare med trål, med unntak av opne felt som går fram av regional forskrift. Hausteplan viser kva område som kan haustast til ei kvar tid. Kwart fylke er delt opp i haustefelt som haustast kvart 5. år, med bokstavkoding A-B-C-D-E. Haustefelta er avgrensa med kartkoordinatar i vedlegg til

forskrift, og er digitaliserte i kart som har link til verneforskrifter og Lovdata. Dette finner de på Fiskeridirektoratet si kartløsning under fiskerireguleringer ved å trykke [her](#).

Mandat til vårt arbeid regionalt finner vi i den nasjonale forskrifta om høsting av tang og tare: «Fiskeridirektoratet kan fastsette regionale forskrifter om hvor og når det er tillatt å høste tare i den enkelte region. Forskriftsforslag utarbeides av fylkesvise grupper som ledes av fylkeskommunene. Fiskeridirektoratet kan i samråd med Miljødirektoratet, åpne for høsting av tang og tare for inntil 5 år av gangen dersom det er sannsynlig at ressursen og økosystemet i området kan tåle den belastningen høstingen innebærer».

Nasjonalforskrift om høsting av tang og tare er heimla i Havressurslova. I Havressurslova sin formålsparagraf står det: «Formålet med lova er å sikre ei berekraftig og samfunnsøkonomisk lønsam forvaltning av dei villlevande marine ressursane og det tilhøyrande genetiske material og å medverke til å sikre sysselsetjing og busetjing i kystsamfunna». Vidare seier lova at retten til ressursen ligg til fellesskapet i Norge.

Arbeidet med regional forskrift i Rogaland og Vestland

Ansvar for å førebu arbeidet med utarbeiding av ei regional forskrift om høsting av tare er lagt til fylkeskommunane. Fylkeskommunane skal sette ned arbeidsgruppe og leie arbeidet fram til eit forslag til ny forskrift. Fastsetting av forskrifta vil framleis ligge hjå Fiskeridirektoratet.

Arbeidet med forskrifta starta 1. februar 2023 med eit innleiande informasjonsmøte/Webinar om førebuing av arbeidet med utarbeiding av regional forskrift om høsting av tare. Det vart sendt invitasjon til alle rørte kommunar, organisasjonar og sektormyndene. Etter dette vart dei som meldte si interesse tatt med inn i ei arbeidsgruppe.

I det innleiande informasjonsmøtet/webinaret gjorde Fiskeridirektoratet greie for gjeldande tareforskrift, forskriftsfastsetting og forvaltning av tareneringa, Havforskningsinstituttet tok for seg ressursovervaking og effekt av høsting av tare, naturtypekartlegging, neringa ved DuPont hadde ein presentasjon av produkt og hausteprosessar og Statsforvaltaren orienterte om verneområde og områder med forbod mot tarehøsting

Arbeidsgruppa hadde eit arbeidsmøte i Bergen 22. februar 2023. Deltakarar var fylkeskommunane som leiar, Statsforvaltaren i Rogaland og Vestland, Dupont, Fedje kommune, Bømlo kommune, regionrådet for Norhordland, HAFS regionråd og fiskarlaget. Havforskningsinstituttet, Fiskeridirektoratet var representert som referansegruppe.

Arbeidsgruppa sitt framlegg til ny forskrift:

Vårt arbeid har blitt avgrensa til inndeling av haustefelt, hausteplan, haustesyklus, forbodssoner/referanseområder.

Verken inndeling av haustefelt, hausteplanar eller haustesyklus vert foreslått endra i denne revideringa.

Fleirtalet i arbeidsgruppa vil ikkje føreslå å utvide dei områda der det skal vere forbode å tråle etter tare.

I denne revideringa føreslår vi at Fiskeridirektoratet betrar informasjon på si kartløyising slik at alle områda der det er restriksjonar mot tarehausting går fram på kartlag over hausting av tare. I dag ligg referanseområda som forbodssoner, men ikkje verneområda. Verneområde der det er forbode, og verneområde der det er tidsavgrensingar (med informasjon om avgrensingar) bør ligge i kartlaget "Tare" på Fiskeridirektoratet si kartløyising. Miljødirektoratet må koordinatfeste dei verneområda der det manglar.

Arbeidsgruppa foreslår at det før neste rullering vert sett av betre tid, med bestilling av forskning eller liknande i førekant av revideringa.

Hilsen
Mette Fossan
seksjonssjef

Eystein Bredland Hansen
seniorrådgiver

Kopi til:

Vedlegg:

- 1 Forskrift om høsting av tare, Rogaland, Hordaland og Sogn og Fjordane

Dette dokumentet er godkjent elektronisk. Oppgi vårt saksnr. når du svarer på brevet.